

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Das puch der himlischen offenbarung der heiligen wittiben Birgitta von dem Königreich Sweden**

**Birgitta <Suecica>**

**Nürnberg, 1502**

[Ettliche gebett von der heiligen frawen Birgitta]

[urn:nbn:de:bsz:31-248974](https://nbn-resolving.org/urn:nbn:de:bsz:31-248974)

## Ettliche gebett

In grosser lerer von dem orden der prediger was entzündt wider die offenbarung  
e sant Birgitta Also das er offentlich saget man solt sy verpennē vnd hies die per  
son irs ordens lolhart vñ begutten dem hat ein ander weltlicher meister geben die  
pücher sannt Birgitten himlisch offenbarung das er so er die lese zu pessern dingen bekere  
würde. Als er aber den heilsamen rat versmehet sprach er rich fürcht das der herr iesus sich  
vñ sein heligin in euch mit himlischer rachsäl werd rechen darumb das ir so trützlich die  
heiligen ding anfechten vnd damit sein sy von einander geschiden vnd allspald ward ge  
übe wider in zu hertigkeit die hand des herri vnd hat souil seinen leib mit der auffsetzigkeit  
mer vñ mer vermailige das keiner der prüder des Couents mit im essen trincken oder wan  
deln getöyst oder einichen dienst beweisen solanng bis er ist gestorben got sey im gnedig.  
Wie gar schedlich ist sannt Birgitta ere entziehen oder den offenbarungen ir von himel  
getan mit frester tirstigkeit widersprechen erscheint aus obgemelten schufften vñnd am  
sechsten buch d offenbarung in den .xc. vnd .xcij. capiteln wie die gölich gerechtigkeit man  
lich widergilt denen die da vben die hochfart von der vnns beschirmen wollt der triuelig  
vnd einig got Amen.

Ein schönes gebet von sant Birgitten gemacht von einem Carthenfer.

### Du erentreiche wolgeborne auszer

o welte wittib vñ gespös vnser liebe herri Jesu christi. Du liebe sant Birgitta vñ  
dem stämen der künig: gepom auß Sweden: durch die got grosse ding hat ge  
offenbart am letzten teile vñnd aler der welt ich ruffe an dein grosse hilff vñnd verdienen  
das ich durch dich müg gnade: parmherzigkeit: vergebung vñnd alle heilsamkeit von de  
almächtigen got erwerben. Frew dich ewiglich in himeln wann dein lon ist manifoldig  
in der wuniglichen lust der hohen trinitat. O du andechtige wallerin geen rom vñnd zu  
hierusalem wie gar mit grosser innigkeit besuchstu die heiligen stet vñ gottes willen hast  
du vil person vnd wesen gestrafft vermanet vnterweist vñnd von sünden bekert. Eya du  
heilige frau pit Christum iesum in himeln mit grosser begird vmb einen gemeinen rechten  
frid: Ainigung vnd gantze reformacion aller hawbe orden vñ wesen in der heiligen christe  
heit den wittiben parmung vnd lautrkeit den iunckfrawen diemut vnd gantze keuscheit  
den closterleuten geistlich leben den püestern andacht vñ ware heiligkeit den handwerck  
leuten trew stercke vñnd gedult mit narung den armen notturfft den reichen demut vñnd  
mitleidung vnd füre vns alle zu den ewigen freudenreichen leben Amen.

Ein schönes gepet zu der heiligen frauen sant Birgitten hat gemacht Babst  
Bonifacius der newt hebt also an sprich mit andacht.

### Du aller erwidigste frau vnd muter

o sancta Birgitta mit aller warheit ansichtig vñnd in heiligkeit gar klar. Gedencke  
der vnschetzlichen süffigkeit vñ iubilirens deines hertzens die du hettest in souil stetten bei  
suchung in wunderlichen offenbarungen freuntliche mitredungen in süßen vmbfahüg  
en vñ tröstung: inwödig deines aller süßen vñ allerlüstigsten gespösen iesu christi: damit  
sich dein sele vnaufsprechlich frewet. Gedēcke auch des wortes vnschetzlicher liebe dessel  
bē deines gespösen Jesu christi sprechēde. Fürwar mein Gespös also hitzigliche liebe ich  
dein sele ee dz ich d mangle: wen es möglich were so wolt ich vmb sie anderweit gekrantz  
igt werden vnd gedēcke des wortes das er sprach. Fürwar mein prawt du würdest fruchte  
per werden mit geistlichem samen vil menschen zu nutze vnd du solt meiner gnade fruchte  
pringen vnd plien die dich wirdt eruncken machen. Also das auß dem wein der süffigkeit  
den ich dir geben pin: sih alles himlisch here soll frewen. Darumb pillich seyest du gebene  
deyt mit der benedeyung Abiae nach seiner weys außgegangen von deinem lande vñnd  
von deinen freunden vnd pist komen zu dem lande des gesichtes geen Rom in der du en  
pfangen hast gebenedeyung von dem herri vñnd parmherzigkeit von got deinem heyle  
die geplüet hat durch den mund des babsts Bonifacij in ewiger fruchte sprichēde gebene

## von der heiligen frawē Birgitta

beyen will ich dich als die stern des himels vñ manigfaltigen deinen namen vñ du wirst  
dest gebenedeyt sein Darumb seyest du ewigklich gebenedeyt du heilige muter sant Birgitta  
ta der zeitlichen güter ein getrewe außgeberin der schlösser vñ herwer ein verwunderliche  
lüt in der armen dürfftigen ein fründeliche empfaberin der auffsetzigen ein diemütige  
füßraucherin d' guthait deines gesponsen Jesu chusti vñ der seligkeit d' sele ein allerhöchste  
contampliererin erparn dich mein vñnd pit für mich Jesum deinem gesponsen das er  
durch sein gödliche mitleidende hönigfließende vnschertzliche liebe vñ durch sein pitters lei-  
den sich vber mich erparn des parmherzigkeit kein zale ist vñnd erwirbe mir ein gantze  
lawtre pricht vñ ein ware rew vñ einen steten willen fürpas nit mer zu sünden vñ dar-  
zu gebenedeyung von dem taro des himels vñnd von der saystigkeit der erden das mein  
hertz prynne mit dem feur gödlicher liebe vñnd das ich der welt gantz außgelescht müge  
werden vñ in lieben mit gantzem hertzen vber alle creatur vñ in seiner liebe nit allein be-  
trachte sündler auch tag vñ nacht arbeite Amen.

Versickel.

**P**it für vns du heilige muter Birgitta du außserwelte gespös Chusti. Das er vns sey de-  
recht weg zu dem himlischen vaterlande.

Collect.

Erre vnser got der du nach deiner grossen parmherzigkeit sanctam Birgittam so  
h grosse gnad hast gebē das du ir durch deinen eingebornen sun heimlich himlische  
ding hast geoffenbart die du vor den weisen der welt verporgen hast pit wir dich  
durch ired milten gepets willen Verleyhe vns das wir dein diener in der offenbarung dei-  
ner ewigen freude vns frewen ewigklich vñ frolocken durch den selben vnsern hern Je-  
sum Christum Amen.

Ein antiffen.

Birgitta ein tropff des wödrleichen mirrachs ein ebenbild der reinigkeit dem  
o betrübe volck hast du gebē bereit ein pflaster der pußwertigkeit als du schreibst  
die wort Chusti. O du newes lichte der chustenheit pis ein beschirmerin vñ hererin  
der die dir dienen mit willigkeit.

Versickel.

**P**it für vns du heilige fraw Birgitta ic.

Die collect.

Erre iesu chuste d' du d' seligen Birgittē vñd manigfaltiger heimlichkeit ein sprich-  
h ung vñnd sündeliche zierung der tugent dein gesponsen zu heissen hast gewöllet  
Wir bitten verleyhe vns das wir in dem vns ir gleichfomen in siren vñnd mit ir  
von der vnreinigkeit diser werlt gefürt werden zu dem gesicht der himlischen freude de-  
du mit dem vater vñnd mit dem heiligen geist lebst vñd herschst ewigklich Amen.

Wie hat ein emd das buch aller himlischer offenbarung der für außserwelten  
gesponsen Chusti sant Birgitta von dem künigreich Schweden von den geist-  
lichen vatern des vrsprünglichen closters der heiligen Marie vñd Birgitta zu  
wartzen mit gar zeitiger ler vñd erfarnem fleiß in dise obengeschubne zal vñd  
ordnung fleißigklich zusamen pracht ob vñlleicht andre offenbarung (als er  
funden ist) der heiligen Birgitta durch irrung oder fremelich von einichem wie  
das geschuch zu geschriben würden (ausgenommen die die in disem gegenwärti-  
gen buch oder in dem merern leben oder lesen sanct Birgitta begriffen sein) die  
sollen als falsch vñd irrig erkent werden. Das nach solher zättiger bewerung  
in der küniglichen stat Nürnberg durch Anthonien Koburger burger daselbs  
im andern nach tausent fünf hundert jaren gedruckt vñd Am: vij: tag des mo-  
nats Julij seligklich (got zu lob vñd der heiligen frawen Birgitta) volende ist  
worden Amen.

*[Faint, illegible text, likely bleed-through from the reverse side of the page. The text is arranged in several paragraphs and is significantly obscured by water damage and discoloration.]*